

元史

元史

元史類編卷之三十九

仁和邵遠平戒山學

南沙席世臣郢客氏棣刊

旌德三

孝義 劉女

孔洙

王閏

郭道卿

弟佐卿

高原

蕭道壽

尹龍

孔全

附張子夔

胡光遠

附龐遵

樊淵

賴祿孫

陳韶孫

李茂

羊仁

附黃覺經章卿孫李鵬飛

劉琦

王思聰

附劉通

徹徹

王初應

附施合德石

明三楊皞

丁文忠

王士宏

邵敬祖

附李彥忠等

姜兼

趙榮

劉廷讓

徐鈺

靳曷

尹莘

杜祐

張恭

孫瑾

附吳

希曾王庸

黃贊

劉源

附祝公榮

胡伴侶

哈都赤

曾德

高必達

黃道賢

張緝

史彥斌

張紹祖

孫抑

呂祐

周樂

石永壽

劉思敬

王克已

王薦

郭全

附劉德

扈鐸

何從義

張閏

劉德泉

附朱顯吳思達

元善

趙毓

鄭文嗣

孫秀實

附李
子敬

訾汝道

魏敬益

昔班

帖木兒

趙一德

孔洙聖裔也自宋南渡孔氏四十八代孫端友從南家衢州襲封衍聖公金人亦求其在曲阜者封焉世祖旣平宋議所立或言寓衢者爲大宗呂洙至欲封之使歸魯洙以先世廟墓在衢不忍舍固讓其爵於在魯者且以母老乞南還世祖嘉之曰寧違榮而不違親真聖人後也授祭酒兼提舉浙東學校以便奉母自端友後六世皆襲衍聖公其罷封自洙始

王閏東平須城人父素饒於財垂老費且盡不甘淡薄閏朝夕勤苦入市營奉無闕父性愎多戾閏左右承順甚得其歡心及父臥疾夜燃長明燈室中火延籬壁間閏驚起馳救火已熾煙燄蔽寢戶閏突入火中解衣蒙父抱而出肌體灼爛而父無少傷一女不

能救遂焚死

郭道卿興化莆田人高祖義重至孝宋紹興間詔旌之鄉里爲立孝子祠至元初閩盜起居人竄匿道卿與弟佐卿獨守孝子祠不去俱見執盜將殺其弟道卿泣曰吾有兒已長弟弱子幼請代弟死佐卿亦泣曰吾家事賴兄理請殺我道卿固引頸受刀盜相顧曰汝孝門兄弟若此吾何忍害兩釋之道卿年八十子廷煒爲建寧路平隼庫使辭歸侍養父嘗病危廷煒憂瘁扶護一夕髮盡白

典章載至大元年詔旌其門曰忠守孝義

高源字仲淵晉州人父汝霖爲真定照磨使東平道經高唐遇盜死源幼與母依及長補縣吏世祖中統初累擢江南浙西道僉事常州路達魯花赤馬恕奪民田源劾其不法恕懼走賂權臣阿合馬誣以他事繫獄久之一日忽釋源莫知所由先時源所居里多

阿合馬姻戚素知源事母孝至是聞源坐非辜悉詣白曰源孝子也天必知之况媒孽之罪非實若妄殺源悖天不祥由是得不死後遷都水監開通惠河由文明門東七十里與會通河接置牖七橋十二至今人蒙其利

蕭道壽京兆興平人家貧鬻鍼自給母年八十餘道壽事養盡禮每旦候母起夫婦親侍盥櫛日三飯必待母食然後退就食出外必以告母許方敢出母怒欲撻之卽自進杖伏地以受杖足母命起乃起起復再拜謝違教拱立左右俟色喜乃退母嘗有疾歷累歲不能療道壽剗股肉啖之而愈又有撫州路總管管如林渾州民朱天祥潭州九歲童子李家奴並以母疾剗股旌其家尹夢龍中興人母喪負土爲墳結廬居其側手書孝經千餘卷散鄉人讀之有羣鳥集其冢樹朝暮若相拱向者

孔全亳州鹿邑人父成病全割股啖之及卒居喪廬墓左負土爲墳日六十肩三年起墳廣一畝高三丈餘張子藝安西人父喪每夜半以背負土肘膝行地匍匐至葬所篩土爲墳又有峨嵋趙國安解州張琛南陽李庭瑞皆居喪有至行廬墓次負土爲墳有司並請表異

胡光遠太平人母喪廬墓一夕夢母欲食魚晨起號天將求魚以祭見生魚五尾列墓前俱有嚙痕衆驚異方聚觀有獺出草中浮水去知爲獺所獻有永平麗遵者母病腫三年不能起忽思食魚遵求之市不得歸途歎恨忽有鯉躍入其舟作羹以獻母悅病瘥

樊淵建康句容人幼失父事母篤孝至元十二年奉母避兵茅山兵至欲殺其母淵抱母號泣請以身代兵兩釋之江東廉訪使辟

爲吏母亡奔喪哀感行路服闋奉神主事之起居飲食十年如平生臺憲交薦淵不忍去墳墓終不起

賴祿孫汀州寧化人仁宗延祐初贛州賊蔡五九作亂祿孫負母挈妻子隨衆避南山盜至衆散走祿孫守母不去盜將刃其母祿孫以身翼蔽曰寧殺我勿傷吾母母渴不可得水祿孫含唾煦之盜相顧駭嘆不忍害反爲之取水有掠其妻去者衆責之曰奈何辱孝子婦使歸焉詔旌其門

陳韶孫廣州番禺人父瀏以罪流肇州韶孫年十歲不忍父遠謫朝夕號泣願從父不能奪遂與俱往跋涉萬里過遼陽平章塔出見而憫之曰邊地寒苦非汝所堪吾當返汝故鄉韶孫曰旣不能以身代父當死生以之歸非所願也及父死韶孫哀慟見者皆爲泣下皇慶元年詔放還鄉里乃負父骸而歸

李茂大名人徙家揚州父興壽臨卒語茂曰吾病且死爾善事母
茂泣受命奉母益謹母嘗病目失明茂禱於泰安山三年復明又
願母壽每夕祝天乞損己齡益母算果享年八十餘大德九年揚
州再火延燒千餘家火及茂廬皆返風而滅

羊仁廬州廬江人至元初元兵南下仁父被殺母及兄弟皆掠去
時仁方七歲鬻於汴人爲奴力作二十餘年其主憐之縱爲良仁
遂遍訪得母于潁川兄于睢州弟于邯鄲皆幸無恙乃乞好義者
出鈔歷詣諸家求贖經營百計更六載大小二十餘口復得完聚
又有黃覺經建昌人五歲遭亂失母稍長誓天願求母所在乃
渡江涉淮行乞而往至汝州梁縣春店得其母以歸 章卿孫蜀
人本劉氏幼爲章提刑養子與母相失三十八年遍訪江西諸郡
迎歸養之 李鵬飛池州人生母姚氏爲嫡母不容改嫁爲朱氏

室鵬飛幼不知也年十九思慕哀痛願見母行求至蘄水得焉迎還奉養久之復歸朱氏時渡江省覬既卒歲時攜子孫往祭墓終其身

劉琦

通考作張琦

岳州臨湘人生二歲母遭亂陷於兵琦獨事其父稍長

思母不置常歎曰人皆有母我獨亡及寇請於父往來其母遍歷河南北淮東西數歲不得後求得于池州之貴池迎以歸養閱十八年而母始歿

王思聰延安塞人素力田農隙則教諸生得束修以養親母喪盡哀事繼母如所生以家多幼稚侵父食別築室曰養老堂奉之朝夕定省無間父嘗病劇思聰拜祈於天得神泉飲之愈兩日失明思聰舐之復能視人以爲異 又有劉通亳州譙縣人母目失明通誓斷酒肉祈禱三十年母年八十五日忽明聞者異之

徹徹担

通考作祖

古思氏幼喪父事母篤孝母沒水漿不入口者三日

每節序祭祀哭泣常如祖括時年四十餘每見人父母輒嗚咽流涕問其故曰人皆有父母我獨無是以悲耳

王初應漳州長泰人從父樵劉嶺山有虎出叢棘中搏其父傷右肩初應奮救抽鎌刀刺虎鼻殺之父獲甦皇慶元年詔旌其孝行泰定二年同縣施合德其父嘗出耘爲虎扼於田合德持斧前殺虎父得脫有石明三者與母居餘姚山中一日自外歸覓母

不見見壁穿而臥內有三虎子知母爲虎所害乃盡殺虎子礪巨

斧立壁側伺母虎至斫其腦裂而死復往倚巖石旁候牡虎出並殺之明三亦立斃張目如生所執斧半不可拔楊暉扶風人父母素皆多病暉每叩天求代病賴以痊後母失明暉登太白山取神泉洗之復如故母歿營塋適大雨惟暉墓前後數里密雲蔽之雨

不沾土薤畢令妻家居養父皞獨廬墓上負土爲墳蔬食水飲終其喪父卒亦如之

丁文忠許州鄆城人業鼓冶母疾與弟文孝竭力調侍母卒文忠廬墓側不與妻面者三年及父疾醫不能療文忠造車一輛兄弟共御之載父禱丁嵩山五臺泰安河濱諸祠途遇異僧遺藥而愈延祐七年旌之

王士宏延安中都人父有疾士宏傾家貲求醫及父歿廬墓三年足未嘗至家墓廬上有奇鵲來巢飛鳥翔集與士宏若相狎然終喪復建祠塋前朔望必往奠祭雖風雨不廢

邵敬祖宛邱人父喪哀毀廬墓母繼歿河決不克塋殯于城西敬祖露宿依其側風雨不去土人哀之爲縛草舍庇焉前後居廬六年兩髀俱成濕疾至治三年旌其家後有永平李彥忠父喪廬

墓八年不至家茶陵譚景星幼失父追念之廬墓十年亳州郭成年七十一喪母廬墓一年朝夕哭人尤哀之

姜兼嚴州淳安人七歲而孤養母至孝母死哀慕幾絕既塋獨居墓下朝夕哭奠躬自樵爨荒山中一衾麻寒暑不易同里有少年子不善事父母者聞之皆慙悔迎養

趙榮扶風人母有疾割股肉啖之者三復負母登太白山禱於神得聖水飲之乃痊後年七十五卒榮號痛不食三日方飲水七日乃食粥及塋負土成墳廬其側終喪

劉廷讓大寧武平人至順初上郡兵起民被殺掠廷讓挈家避山谷有幼弟方乳母納之懷中兵至廷讓乃棄已子一手抱幼弟一手扶母疾驅得免及歸途視已子亦幸無恙

徐鉅鎮江人始冠侍父鎮將之婺源過丹陽小溪父失足墮水中

鈺投溪擁鎮出得挽行舟以升而鈺力困憊遂溺死屍流四十五里得於灘上人哀之立石紀其事

靳昂字克昌曲沃人兄榮爲奎章閣學士奉母官於朝母歿昂護喪歸至平定州大雨水驟至昂伏柩上同漂沒後得柩於三里外昂屍於五里外後至元三年詔賜孝子靳昂碑

尹莘

一說志集上
通考作華

汴梁洧川人至治初遊學京師忽夢母疾馳歸母已

亡居廬蔬食每鷄鳴起手治祭饌詣墓所哭奠雖風雪不廢父輔臣嘗病疫莘夜禱於天曰母亡不能見父病不能治爲人子若此何以自立於世願死以代父命數日父愈

杜祐下邳人爲河南水馬站提領父病於家祐忽心動卽棄職歸父病始三日遂禱天求代且嘗蜚以驗病父卒廬墓盡哀

張恭偃師人署鷹坊府案牘母老辭歸侍養歲凶恭夫婦採野蔬

爲食而營奉甘旨無乏母病恭手除溷穢喂哺飲食且嘗糞以驗病勢天歷初西兵至河南居民悉竄恭守視母病項中一劒不去母驚悸而歿居喪盡哀有馴兔之瑞

孫瑾鎮江丹徒人父喪哀毀嚴冬跣足而步停柩四載衣不解帶事繼母尤孝嘗患癰瑾親吮之又喪日瑾舐之復明母卒十日將葬時春苦雨瑾夜號天乞霽至旦雲日開朗甫掩壙陰氣復合雨注數日不止吳希曾睢寧人葬父之日大雨希曾跪柩前炷艾燃腕火熾而雨止縣上狀旌之

王庸字伯常雄州歸信人母有疾庸夜禱北辰至叩頭出血母疾遂愈及母卒露處墓前旦夕悲號一夕雷雨暴至鄰人持寢席往蔽之見庸坐臥地獨不霑濕咸嘆異而去

黃贊字止敬臨江人父君道延祐間求官京師時贊年尚幼及長

聞父娶後妻居永平往省之則歿已三年矣庶母聞贊來盡挾其
貲更嫁拒不見贊贊號哭語人曰吾之來爲省父也今不幸父歿
思奉其柩歸而窆之莫知其處苟得示以墓所死且不恨尚忍利
財物邪久之聞庶母居海濱亟裹糧往復拒不納庶母之弟憐之
與偕至永平求父墓又弗得贊哭禱於神一夕夢老父以杖指墓
處曰見片磚卽可得明日卽其地求之庶母之弟曰是已斂時有
某物可驗啟朽棺負父骨以歸

劉源歸德中牟人母年七十餘衰病不能行適火起且延至其家
源呼天號泣趨入抱母爲火焚而死祝公榮處州麗水人母歿
居喪會竈突失火公榮不能救乃伏棺悲哭其火自滅復塑二親
像於堂朝夕事之如生

胡伴侶鉤州密縣人父實嘗患心疾更數醫莫療伴侶乃齋沐焚

香泣告天地於右脇旁割脂一片和藥以進父疾遂瘳

哈都赤固安州人幼孤養母母嘗有疾醫治不痊乃礪其所佩小刀拜大泣曰慈母生我劬勞今當捐身以報遂割左脇取肉一片作羹進母曰此何肉其甘如是數日病愈

曾德漁陽人宗聖曾子裔也母早亡父仲祥繼娶左氏樂襄陽風土同往居焉亂兵陷襄陽遂失左氏所在德遍求五年得于廣海間迎歸孝養備至

高必達建昌人五歲時父明大忽棄家遠遊莫知所適既長晝夜哀慕歷往四方求之不得心愈悲忽相傳黃州全真道院中有盧明子者學道三十年本姓高氏建昌人也必達詢知爲父卽往拜具言家世及已所生歲月哀號不已盧明猶瞑坐不顧久之斥曰我非汝父不去何爲必達留侍左右不少懈其徒請曰師有子如